

故宮
珍本
藏刊

甘泉先生文錄

等四種
第二冊
共二冊



故宮博物院編

海南出版社

故宮博物院編

甘泉先生文錄
楊忠愍公集

葉進卿蒼霞草
許正吾集

第二冊（共二冊）

故宮珍本叢刊第 528 冊明代詩文別集

海南出版社

圖書在版編目(CIP)數據

大明太宗皇帝御製集/(明)成祖撰. —影印本. —海口:海南出版社,2000.10
(故宮珍本叢刊)

本書與“重刻徐幼文北郭集/(明)徐賁撰”等 29 種書合訂

ISBN 7-80645-747-X

I.大… II.成… III.文學-作品綜合集-中國-明代 IV.Z121.7

中國版本圖書館 CIP 數據核字(1999)第 68755 號

故宮珍本叢刊第 528 冊

明代詩文別集

甘泉先生文錄 楊忠愍公集 葉進卿蒼霞草 許正吾集

第二冊(共二冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 10 月第 1 版 2000 年 10 月第 1 次印刷

開本:787×1092 毫米 1/16 印張:28 印數:1-400 冊

ISBN 7-80645-747-X/Z·25

定價:2670 元(明代詩文別集 30 種共 16 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

鑄蒼霞草

福清葉向高進鄉甫著

先母林孺人墳志

不孝孤以萬曆辛卯年十二月十三日酉時葬母林孺人于羅灣山之原從先大夫桂山先生兆也葬宜有志有銘宜請諸名公大人不孝孤見世之稱婦德者語率沿襲侈艷無當情實而吾大父農而儒吾父儒而農吾母周旋艱辛其事又瑣微不足以瀆名公大人之聽不孝孤是以勉抑哀腸披瀝次其大略以

葉進鄉蒼霞草

卷十一

藏諸窀穸示後世勿忘吾母化北里上井林翁壽女也吾前有二母郭宜人康宜人皆事吾父不久連舉子輒殤父多病又鮮兄弟大父甚憂之中夜徬徨泣也吾母歸而舉不孝孤時島夷肆虐海上居人奔竄母逝之外家適彌月俗謂女誕其家者不利諸族人共驅母出母皇遽出依敗廁類垣而生孤故孤少名曰廁示艱難也大父父聞舉孤甚喜父從風雨中簑笠持豚蹄雞酒來餉未浹日夷復大至母徒步抱孤出避屢爲賊所窘與大父父相失足盡痕不能行匿

葉進鄉蒼霞草

卷十一

叢薄中賊屢睨其旁而孤又呱呱泣母輒祝曰天子兒之有成立也止勿啼輒祝輒止如是者數四已復迷失道至海隅計無復之會潮退履泥淖行十步九躓海水鹹嚙膚盡裂痛楚欲死顧視前後婦人負兒者悉棄去獨身跳或謂母夫人命在須臾而襁負不舍何也母不應最後窘甚一老父過而呼曰媼乎事迫矣盍速行吾爲若負兒先趨約至某所還汝母曰吾夫年幾五十而有此兒寧俱死不忍棄諸道路之人適大父在旁恐賊至兩斃勸如老父言母乃強聽匍匐行至某所則老父已先待矣問姓名不荅遂去居東城東城迫隘避亂人稠母論米珠草桂卽飲水泉竭晨起出汲井中之指相拿如蠅母以夜分興躬提甕取水半雜汚泥家十餘口每食僅升米糜而食之母最後視孟中空矣竟日常枵腹終不言饑益又更五載而倭平骨肉生全返故居室廬蕩盡田園荒廢母力任操作婢僕皆督使力耕盛夏必自炊爨家又無薪燒草根作麥飯徧餉家人從釜隅蒸梁稻少許飯不孝孤勉就外傳已復煮糝糠雜和麥飯飼雞

承竟日不得休突烟薰涕下承曉冬夜嚴寒治麻十指爲裂時孤稍有知見之心傷母于干然安之也大父既早失大母父又多出授經母所以事大父極恭順大父性儉戒家人毋進肉母貿所織布得金間數日輒市斤肉進之大父怒何忽忘吾戒乎母詭言此妯娌所遺義不可卻再三請俟大父霽容舉筋乃退撫三庶弟愛埒不孝孤先大夫判江州及守養陽孤備員史局父子受祿公家大父大母前二母皆以父故褒贈大夫宜人母無改故操蔬食布衣恬然自適

葉進卿蒼霞草

卷十一

三

孤強進一肉輒以予諸孫曰吾口中久不甘此味兒母苦我製一綈衣跪請服母佯爲一御旋已襲之曰吾生前分布素矣畱此爲百年需且母更累汝也寒暑張一紵幘已百紉不孝孤請更之曰此汝父所遺汝忘若父乎孤泣而不敢更孤既釋先大夫服當之官請母與俱不能得迺迴不發母督之嚴業已違尚書期矣乃強偕孤行方再舍堅欲歸曰我頭岑岑也恐跋涉冒霜露以憂孺子汝行矣使汝備官而務恤其私又以我爲辭我何以見汝父地下汝若重濡滯

也勿見我孤不得已泣而別然躊躇趙趙南望咨嗟鬱紆侘傺而不能一息寧也嗟夫嗟夫誰知孤入都之席未溫而母之間遽至哉母別後益強健躬課農業米鹽必親生平苦脾痛至是亦減晨興視園蔬歸倦而卧再越宿遂終族人駭訝實萬曆庚寅年十月十八日距生嘉靖丙戌年三月廿二日得年六十有五不孝孤念古今稱女德者不乏人矣未有如母之辛苦焦勞流離顛沛出萬死一生以相吾父而亢吾宗者也昔陶母斷髮柳母丸熊皆能成其子名母賢類二母而勞苦過之孤不肖媿死矣而母性尤慈仁好施予簪珥皆分戚黨之貧者至罄篋無吝生平未嘗笞婢僕孤或加笞輒詬怒損飲食時告孤避亂時事曰全吾母子者老父哉惜哉失其人也慈能勞貴能思儉能施沃能勤母實有焉沒之日族隣知戚下迫臧獲莫不歎歔泣數行下也孤同母惟一妹弟向亮向永向亨皆庶母林出孫男三成學成敏成昌孫女六婚嫁聘字具先大夫誌中不孝孤摧裂之餘何能述母德萬一姑具其槩若此不敢溢片辭以蹈夫

葉進卿蒼霞草

卷十一

四

世之沿襲侈艷無當情實而媿幽明也因借系之銘

曰
面大澤負重岡趾陰首陽鬱鬱蒼蒼中有哲人息
于其鄉誰之偕行茲爲吾母林孺人千秋萬年之
藏

葉進卿蒼霞草

卷十一

五

南京光祿寺卿南溟敖先生墓志銘

吾師敖南溟先生者當萬曆初爲御史是時江陵柄國諸臺諫多濡足其後引繩批根罕有得免盖十九以江陵敗矣其不以江陵敗者則必磽磽礧礧以江陵名者也而吾師爲江陵門下士容與其間不亢不隨世莫能議涉孟門太行之途而無傾軛失揖之患於乎豈不難哉方先生以孝廉入成均江陵時爲司業試先生第一大嗟賞之引爲知己比同朝自旅見外無私造謁按閩而舉其所嫌若習太史蔡比部不
少卻顧江陵亦不忤也江陵沒而先生由御史爲大理丞晉少卿再晉南京光祿卿方向用而先生沒矣先生名鯤字化甫別號南溟臨江新喻人其得姓自楚若敖氏後散處四方其在江右最著顯者纍纍而先生曾大父資評大父審和父維琛皆隱德不仕維琛以先生貴贈文林郎監察御史配贈孺人黃氏年五十舉先生衆咸異之先生少卽警敏凝重善屬文伯兄大叅蒙泉公中丞梅坡公咸賞識謂必能亢宗弱冠補弟子員試輒高等戊午舉于鄉監試五台徐

葉進卿蒼霞草

卷十一

六

公嘆曰茲卷也文醇而字楷無一畫苟必端人也三上春官不第至戊辰乃第授松江府推官故相國徐文貞公郡人也亟以老成練達稱先生無何丁贈公艱歸補懷慶所至持平恕不尚鉤摘人咸德之部使者屢以最薦召入拜御史奉命按長蘆鹽課長蘆分部最廣弊竇最多先生按行稽察風靈一清比代去所脩交游縉紳覬問視故事一切減殺諸同事者皆以爲難已復按福建按順天歲已卯福建鄉試士先生實監臨之百凡愼愼每卷必竟閱親爲品題榜

葉進卿蒼霞草

卷十一

七

中官詞林者今已四人而向高其一也順天在輦轂下車多掣肘先生持大體無所撓屈貴戚憚之不敢以私干太宰某公以私人囑列薦剡先生不聽太宰敗先生亦不以語人也其介特有執又不近名大率類此生平坦易無城府與人油油然卽輿隸亦不輕詈見之者皆以爲可親三按劇部士民望見輶車輒歡呼謂賢使者造福地方乃先生固未嘗有更張創建求赫赫功其下吏奉約束甚謹無敢欺負而先生亦未嘗峻其威稜以搏擊爲能不肅而成不嚴而

葉進卿蒼霞草

卷十一

八

洽不言而成蹊其先生謂哉沒而學使者宋公論紀之學宮也其生嘉靖庚寅九月二十六日至萬曆丙戌八月二十五日終得年五十有七娶黃氏封孺人子二長承祐次承祺葬本里湖州附贈公兆右爲丙戌年十二月朔日後十五年太學君乃持宮詹龍華先生所爲狀過白下請銘于余龍華先生者先生宗人也其言先生醇實簡諒居家孝友立朝忠厚正直真端人君子可謂深知先生矣卽余門下士欲不朽先生安能加龍華先生之言也惟是先生質行躬脩

耻事表暴其所陞施默設便國家而利生民者皆絕口不談卽余輩日侍函丈不能徵其一二何以盡先生哉要以先生之誠心信志昭著于天下士大夫知與不知皆信慕其人稱不容口必非苟而已也徵先生者此可矣此可矣銘曰

楚有若敖以官爲氏苗裔滋昌代有顯仕吾師光祿爲真御史昔在成均相國弟子相國秉成其孰不緇侃侃閭閻惟吾師以退不買名進不骫骳中立獨行萬夫所視列卿霄逝造物胡爾盛德弗諼

淵停岳峙時不盡之施及于千祀

華進卿蒼霞章

卷十一

九

明中憲大夫廣東按察司副使龍岡施公偕配何
恭人墓誌銘

華進卿蒼霞章

卷十一

十

不佞高方十齡從先大夫于太學得謁龍岡施先生
先生謂孺子有奇氣是可材也則數召與語坐之膝
上因見其何夫人嬉戲庭除無間蓋與先生子今孝
廉君三捷若弟兄然小子雖穉年業心感先生其後
小子舉于鄉而先生罷廣臬家居猶得一望顏色乃
未幾先生沒矣以某年月日塋某山之原後三年夫
人亦卒萬曆癸巳十月某日孝廉君奉與先生合窆
焉而命高合爲之銘高不能辭按狀先生諱觀民字
子我別號龍岡福清龍田人其先自河南固始遷會
祖浩祖積茂父見可咸賢而弗耀見可有聲諸生娶
何氏生先生累贈中憲大夫常州府知府何爲太恭
人而先生配何夫人名進士世祺女也亦封恭人先
生伉爽駿發生平思自表樹不浮沉于俗督學朱司
空奇其文擢異諸生隨舉于鄉成進士爲度支郎督
崇文門課政寬而賦溢才名日起典倉清源祛納戶
允銀積弊尚書大以爲賢遷副郎督漕屬河決張秋

先生策不十日河將陸乎尚書弗是也已而言果驗
漕艘大壅先生散其糧貯之民居而日夜撫循將漕
之卒無怨聲迨至畢事先生功居多轉守晉陵晉陵
江以南劇郡也簿書填委猾吏穴其中莫之誰何先
生大刷弊蠹召其尤猾者庭詰之吏相顧聘貽使君
神明我曹何能欺訟獄皆畢辭立斷至旁郡亦願來
受理視若大府尤惡深刻吏平亭仁恕郡人黃某以
貴雄被誣竄匿先生直其冤僚佐謂使君不虞嫌耶
先生嘆息以嫌而冤吾民守不能為柴阿四緣僕行

葉進卿蒼霞草

卷十一

十一

劫坐歟先生夜坐恍有白頭翁稱冤遂白阿四無賴
子殺母通法以老嫗見夢且自言其地蹤踪如所夢
論如律郡人益警服政聲為江南諸郡最乃尤大得
士人心下車之始首開龍城書院拔郡士之秀異者
講業其中置田為資旬課月試切劘如師友士心大
奮又鑿玉帶河以當風氣癸酉秋舉于鄉者三十餘
人明年孫太史對大廷為第一太史諸生時先生
逢人輒言吾孫生定魁天下如射覆焉至今郡士絡
繹頽脫者不絕然無能逃先生物色者先生既政成

適主爵貴人過郡以逢迎疏節嫌先生轉備兵海南
阿者復中以郡事奪其官晉陵士民既深惜先生去
而寬其被孽莫不隕涕御史具公乃探公論白諸朝
復先生官其復出而先生杜門謝事與何恭人娛
侍中憲公及太恭人甚自適也罷郡歸囊無百緡田
宅不及中人產甘旨之外經用時窘何恭人糲飯布
衣以儉勤佐費一如其為諸生婦或謂恭人自苦得
無悔典郡時耶恭人笑吾向居郡閣業以廉謹勗吾
夫矣悔者何也家居二歲餘中憲公沒先生與恭人

葉進卿蒼霞草

卷十一

十二

拮据襄事未幾先生病遂以不起病革無他言第以
不能終事太恭人為恨於是何恭人代先生以事太
恭人者又三年而何恭人亦沒沒又無他言第以不
能代先生終事太恭人為恨嗚乎先生與恭人亦可
謂純孝矣先生方宦游中憲公目青幾翳自數千里
迎醫抵家一針遂明人以為孝感而恭人家世貴顯
執婦道甚恭終始不渝其勸先生置廢廣嗣皆人所
難乃世所深惜先生以為績業方章遭罹讒慝雖公
道復明而不究其用以沒甚且以先生勸學勵士之

良規而反以爲罪府其毒被于天下至使郡國守令
噤口卷舌于詩書之場而秦越學宮之弟子蓋數年
而其烈未已足爲俎豆諱談于聖門而文翁取譏于循
吏也豈不悲夫先生博極羣書工古文辭尤精漆園
氏言所著有詩文數十卷藏于家生于某年月日卒
于某年月日年五十恭人生于某年月日卒于某年
月日年五十三男一卽孝廉君娶其孫男二某聘某
某聘某墓坐某向某葉向高曰余往來毘陵其父老
率能言施使君遺事使君十一爲吏十九爲諸生師
葉進卿蒼霞草 卷十一 十三

卽他守日晏坐堂皇治簿書猶稱不給安所得從頌
青衿間哉又言使君去郡日行李蕭然恐不能具饗
餐以憂吾公子其見思如此乃其習使君事者則以
使君之爲循吏亦賴有恭人然則先生與恭人沒可
矣先生沒而人士至今遵其教不衰孫太史至走數
千里來哭其喪也銘曰
以爲吏世莫不才旣歸之才胡忌之媒鳳而不祥
荃而不芳疇能定其常爰滋爰儀有譽于斯亦女
士是釐歸于其居千祀弗衷

明湖廣布政司左布政使武公墓誌銘

歲甲午楚藩臣修歲事貢魚鯉鱗鮮如 令甲 上
謂近已 詔徵直且增額何以格不遵罪左布政使
奪三官議者謂布政賢且貢在 詔前非格也不宜
罪于是自輔臣宰臣至臺諫皆疏爭甚力 上益怒
竟削布政職歸天下惜之然猶冀 上意回可復收
用乃未幾布政沒矣布政者溧水武公尚耕字邦聘
別號秦川者也公有子孝廉爲余丁酉舉士卜某年
某月某日葬公請余銘其墓余按公先河南陝州人
葉進卿蒼霞草 卷十一 十四

靖康亂始祖正六公徙溧水之蒲家村六傳至安安
生鎮鎮生澤澤二子長昂次昂澤昂皆以公貴贈中
大夫四川布政司右叅政昂踰橙墩娶于李生一子
復娶王生三子公其季也公生歲餘橙墩公始自青
溪歸撫之而喜曰兒必大吾門十歲失王淑人哀毀
如禮後從橙墩公于青溪使任居息非其好也則以
書修十一葉夜篝燈讀書族祖某憐其志爲請橙墩
公使就學十九補弟子員學使者吳公耿公王公皆
器拔之隆慶戊辰以特選入雷雍所交游劇切多知

名士庚午舉其鄉第三人明歲成進士觀政戶部除廣之程鄉令程鄉負山而近海俗獷難治業已敗數令主爵者欲以才進士往乃屬公公至則畢力興除惟恐不及邑故十八里復割其四他隸而以十四里分爲二十公謂地削而里增名實無當上滋擾乃請于當道仍其故往邑有徭役取給編戶豪民因漁獵爲利至累及市商公行免役法一無所擾里甲故有供應或以例請公曰唉此民脂也亟蠲之贖罪故有鍰公戒毋鍰其輸粟以備荒有兩盜相訟當庭鞠時

葉進卿蒼霞草

卷十一

十五

介者數人闖門內餘數百人窺門外伺公意有重輕卽俱闕入或勸公且引避公不爲動正色詰之盜讐伏徐令尉出諭餘黨皆逡巡去邑人謂微公縣且喋血癸酉充其省考試官所取多名士其冬當入計以疏留毋行上褒公卓異賜白金文綺公感異知益思自效劇賊葉峰樁者嘗陷城執舊令久遁不獲至是復入境殺掠公選鄉兵擊斬之以其餘勁躡米良實于海還俘掠無算卜羊子徐文江碧山等皆宿賊縱橫出沒郡邑苦之公悉捕獲正法奸民股慄竄入

葉進卿蒼霞草

卷十一

十六

他省獨渠魁王常最雄黠爲樓堞箚若數盜嘗以五千人出掠蔓入贛州無禦者督府議剿公謂剿難宜用撫乃爲檄諭常仍遣邑佐往爲詳陳禍福常雅服公威信蒲伏繫頸率其子詣謝公釋之禍遂弭乙亥徵入拜禮科給事中言論侃侃不激不阿其請勵聖學疏尤婉切有體上嘗見公偉幹豐儀心識之每疏至輒曰此長給事章耶奉使荆藩過家道拜戶科右給事中尋補外爲江西僉事分部湖東公居陳職有聲不宜外又不宜僉事而是時江陵柄政公其門下士也少還往江陵意望故有茲遷公之湖東練兵詰盜督勵諸將皆奉命戎具大修境內晏然屬歲不登計戶予穀多所全活奏績爲諸道最以橙墩公憂歸服除仍故官移蒞汀漳兼轄程鄉程父老自公去復苦盜相率走訴公馳檄定之賊具雙謀劫漳捕得赦其黨與郡人訛言相驚欲徵兵自衛公不從卒亦無他汀上杭有兵不任戰其將邑佐耳玩而無震公簡壯士部伍之使武弁知兵者代將一軍遂精又上幕府書議益募土著幕府欲募漳人公謂備汀

則宜用汀人爭之強幕府不能奪諸料餉簡器皆用
公畫凡增兵若干民不知費蒲考晉湖廣叅議治郢
上漢水決南子垸荆西岌岌憂爲魚公力任築塞窮
畚鍤晝夜不休時巡行諸隄補鑄直漏水不爲災郢
民賴之晉四川按察副使巡上川南建南夷紂五咱
大咱及黑骨諸夷並稱亂中丞宛陵徐公請討之以
兵事屬公遂擒五咱于昌州追大咱于阿六山箐射
殺之建越平而賦乃酋撤假者黑骨種也與中鎮夷
白祿連結爲逆黨公計當先誅遣指揮李獻忠等取

葉進卿蒼霞草

卷十一

十七

他道往獻中等違節度皆敗歟徐公乃益徵兵分三
道剿之以中道最要害使遊擊周于德將公監焉又
屬公都護諸將公以冬十月進兵抵官廖河賊迎戰
公令天全西陽土司兵擊之而潛師亂上流繞出賊
後賊驚潰斬白祿子阿則等逐北泠溪河獲渠魁阿
擺賊退據馬蝗山公麾兵進奪其積儲以餉軍賊復
據大鷹崖阻殺馬溪固守欲老我師公以除夕進兵
乘虛搗其巢斬白祿于陣賊失險膽落矣以方大雪
度我兵不能進稍懈公冒雪進兵遇險卽蟻附而登

大鳴鼓角賊驚駭失措鋒纔交斬數大酋餘潰去遂
進破膩乃巢斬撤假窮追逾大渡河曰賊急矣必遁
小赤口宜亟備且謂諸將了此不過十日耳諸將不
謂然已皆如公料諸巢旣平夷人稽顙願世世奉約
束毋侵叛公磨崖題殺馬溪爲華夷界瘞鐵牌鐵索
與盟而旋師是役也拔險砦十九效首功三百皆劇
夷還被虜漢人以千計復侵地百四十五里兵威大
振而公意主招來降附耳不欲多殺爲功夷人懷之
論功陞俸一級賜白金十五兩晉爲其省叅政仍故

葉進卿蒼霞草

卷十一

十八

轄以分守兼糧儲邊寄益重公亦益明習邊事條上
中鎮善後十策皆見施行北虜逼松州幕府趣公入
計公馳之塞上夜度鐵龍橋橋以鐵索傳板維其端
于兩岸下臨數十丈波濤震蕩行者戰怖失色公履
之自如抵流沙關登高望虜指古維州城慨然曰此
邊疆要地沒于番今雖少創而黑苦巴竹諸寨猶雄
逞吾不恐虜而恐蕭牆矣因選卒耀兵發火器番人
震恐歸命公厚撫給之使遮虜其他防禦計甚悉虜
不得志遁去未幾黑苦番竟亂用公策以定公以蜀

屯饒爲奸豪兼併使兵食坐困可嘆也乃嚴爲勾稽復屯田八千九百餘畝採木事竣公以勞賜金尋代藩伯入計歸晉其省按察使未幾晉湖廣右布政使尋轉左公在楚藩斤斤節縮至交際常儀皆裁罷寬庫吏進羨金公驚卻之籍其金白諸臺使甲午試士公職提調方竣役圖修觀事而魚鮮之命下矣始公治郢上時守備璫王某恣雖不法縱爪牙奪民田四萬七千餘畝公按治之還其田于民王敗代者璫孫政以公戒諭稍戢比公長楚藩孫以 上供事與

葉進卿蒼霞草

卷十一

十九

鍾祥令構祈公左袒公不應未幾孫歿二憾黨力謀傾公公坐此譴矣而公亦正有乞歸意友人周觀察謝事歸沔公造其廬嘆曰孤鴻已摩天去吾儕戀稻梁跳躑羅網中耶失官之日怡然就道故居在青溪上結社談詩自弭秦淮漁長南曹諸公造門請見皆辭謝旋去之山中里逍遙田間有園久蕪治其半畧日半園喜白少傳從前日月皆羈旅自此光陰屬散人句榜于亭寄况焉一日方宴客浮白甚歡越宿病作語孝廉曰適夢至一所守者肅余入請勘藏錢余

葉進卿蒼霞草

卷十一

二十

不能辭將去汝矣遂令孝廉扶坐復曰期屆矣遂暝時萬曆己亥四月八日距生嘉靖癸卯十一月十四日得年五十有七公天性忠孝檣墩公以公貴壽踰八十乃終公猶以晚年不及奉菽水爲恨既廢處每遇慶節必肅衣冠望闕稽首曰此臣禮也叔兄博士君欲分異公爭之不能得乃受田廬之暇下者以圖書玩好盡與博士君曰兄守卽吾守也居官所規畫皆爲百世利而在蜀尤著先後中丞徐公李公皆倚公如左右手其移總鎮松藩調副帥建武募兵建堡諸策俱出自公西陲至今賴以無警云配周氏累封淑人子男四長卽孝廉名光賜次光冊光緝光儀女四人所著詩文若干卷藏于家史氏曰余有宗人爲程鄉令也言程鄉人至今思公春秋俎豆不廢公循吏哉其策兵事又何曲折周至懸合而奇中也此其人豈僅節廉慈愛稱者今西南事興海內騷然公在蜀不至此矣余是以志公而三嘆焉銘曰

以爲令 帝曰汝良賜汝以金爲羣牧倡以爲給諫 帝曰汝忠 汝言其昌汝軀則長以爲藩臬

帝曰汝勲屢典封疆以爲方伯 帝曰汝貢鼎
恭賜汝以玦匪余汝忘衆排天閭炎炎孰當煽
自孽瑞考槃徜徉休于其藏如斧如坊斯之無疆

葉進卿蒼霞草

卷十一

廿一

明封奉政大夫廣東按察司僉事薛公偕配林宜
人墓誌銘

按察薛先生既免林宜人喪起復飭兵淮楊矣則遣
使迎封公于邸中封公意若有所重于行也者遲回
未卽發頃之一疾而沒其日按察方治兵偶心動疾
作旬日訃至匍匐奔歸將襄事而以狀畀余曰吾子
其志而爲之銘小子不佞深懼無以稱斯役也雖然
先大夫獲締兄弟交于先生封公實大父行小子穉
時固已承聲歆之餘懽矣今安可辭謹按封公諱某
字舜舉世居福清縣薛港大高祖巒有詩名與邑令
賡唱和也竟以詩孽逮至京破其家巒生某某志
域則里中所稱孝友先生五十年教授于鄉者也孝
友先生生慶雲豪逸負奇娶陳生公公少而警敏好
讀書受詩何先生宗魯能畢其意尤多所涉獵旁及
管韓諸家皆手抄口誦至老猶稱說不忘然竟坐蹇
厄蓬戶呻吟纍纍如也或勸公徙業公否否吾薛弗
耀久矣代有貯於帝所未取也吾將卜之天是時按
察與二兄已崢嶸穎出公徧摩其頂咲曰孺子當之

葉進卿蒼霞草

卷十一

廿二

乎乃翁姑浮沉俟汝矣乃就橡寧德無何辟郡從事諸從事日治錢穀金布傳爰書批引爲奸利公休曹朕篋讀故書與三子聲相和也太守吳公微知公促召見驚曰汝橡而儒耶已又見三子奏所爲文章大稱善此鳳毛集汝家守爲汝翼而成之矣於是致三子舍中供具課讀更延譽諸僚佐愈益嚮慕公不欲以橡史禮見矣公雖以困故徒業受知諸公間居恒默念不自得也歲甲子長君舉于鄉戊辰按察先生用恩薦入成均遂成進士而仲君亦籍籍聲譽序中

葉進卿蒼霞草

卷十

廿三

而後公喜可知已曰吾所謂卜之天者乃今徵乎孝廉計偕及按察入成均公皆挾與俱謹察起居以其間終事天曹滿三考受冠服比按察令江山則又從之江山江山治行嚴兩浙至今閩人往來其地父老皆問薛侯無恙其見思如此然大率公教也公視江山令旣報政遂未幾 璽書徵令爲御史御史秉節直道無所阿承屬當按蜀某貴人虎而冠有所指授御史不爲應竟被中出僉東廣憲事分部海北僉事度已失貴人心雅不欲行公勸勉以義命僉事奉敕

單騎往公躬携其孥往視之會方督兵捕殺侵池賊多所俘獲公亟諭縱舍毋多殺全活千餘人頃之歸蓋自是不復入官舍矣家居局戶讀書汎濫星曆堪輿家裁令通曉而止布衣蔬食出從蒼頭徒步委巷中冠蓋造門公輒病謝亦不報謁曰吾奈何乘兒子寵靈以遨遊諸公間故人知戚過公輒呼酒與飲畢驩乃罷頽然自適矣晚歲孝廉文學相次沒又失林宜人人殊爲公鬱鬱公雖不無悲惘然亦善自寬詎顏蒼髮仙仙如也病方旬日遽呼第一桂屬家事出

葉進卿蒼霞草

卷十

廿四

索藏分遺諸孫諄諄教誡神定不亂內外聞公計莫不傷之里中人咸言公有至性孝事繼母憐愛異母弟恤寡妹卯翼其孤甥逡巡篤行君子也而性復寬厚臧獲不妄咎少爲里子所窘既貴不復問艤舟洪江醉者詬辱公若不聞也者而去之其人竟蒲伏謝公所爲長者如此而按察復泣言毋宜人佐先大夫勤事王舅兩繼姑謹督孤輩讀機杼札札與書聲雜幾達曙也孤兄弟尺寸監毋儉素攻苦無分毫加于微時其在江山日教孤母嘗人毋入一錢毋以我兩

人供奉累汝耳孤幸而備任使免于隕越先大夫之烈也母之訓也孤何敢忘嗟夫宜人之賢若此其儷美封公以光啓薛氏也豈偶然哉封公生正德某年月日卒某年月日宜人林某女事詳按察自爲壙志中以某年月日遷合封公墓某山之原葉生曰公去縫掖爲椽屈首簿書一何拓落也竟以庭訓發聲諸子彬彬俱有休聞三受綸褒爲縉弁盛事屈伸誠有時亦公所樹立使然哉或以公事擬萬石君萬石以微興史張其事彼僅醇謹得名耳非能如公篤學知

葉達卿蒼霞草

卷十一

廿五

大義也建慶斤斤徒取克位視按察中外執法所表建何如哉夫羊舌氏之惠訓也柳氏之嚴也竇氏之義方也庶幾哉其足以方公也銘曰
卓彼薛公由寒而通寒也以儒肇敏乃功通也以子卑牧厥躬躬惟德止其卑逾隆駟高其門槐蔭其官惟公之烈淑媛與同龍灣之原有坎而封雙玉瑩如斯之考終

明贈文林郎藍田余公偕配龔孺人墓誌銘

余之先居江南自池陽別駕明卿以星卜占元亂逃清源明興而余孔生以間右戍鎮東衛第孔輝孔昇孔哲相從徙故余氏爲福清人輝生昭昭生錕錕欽三子錕字國器號藍田贈文林郎新建縣知縣配龔氏贈孺人皆以子計部君夢鯉貴余氏居福清及今僅四世然邑中稱德門則數余氏自輝公而下皆急貧好施至公尤甚而雅負氣節不以權利詘武弁利其貨夜置殍于門繫公父脅之母私爲行賂得解父知以賂解幾憤絕必索之公自約百金爲若索償者以權父而束裝往訟會其人中奇禍懼公反齎歸前賂乃休公父子以是有彊直聲而鄉人以是占天道可信公亦益力行善歲丙戌大祲券而求者踵公門公差等授穀約豐歲乃償至貧病者却其券乃翁急汝困耳操券何爲途遇負責者告公餓甚將鬻妻以償且免兩難公泫然出券焚之仍予穀使去其人德公叩頭謝至流血不休然公亦坐是費出多門下食客又教公黃白事稍稍廢其財公遂坐詘又苦舉子

葉達卿蒼霞草

卷十一

廿六

遲年四十龔孺人乃舉子雲峰弱冠有文名以溺歿公念家世好修卒困于施天其報余氏哉意在見乎雲峰歿而公痛可知已然計部君已隆隆頭角公摩而詔之曰而兄誤若翁天蒙蒙也今以孺子定吾天矣益勉使讀書親隣以公困勸徙業公笑謝若曹知天終困我乎少休矣待兒時就館視計部讀見竹梅畫遂題其上有凌雲調鼎語蓋深期之也龔孺人亦辛勤攻苦躬織紉毀衣簪以相其子學而成公志公日夜屈指望而日者言公歲在斗運將傾至癸酉元旦忽泣下關于語計部君曰吾胥而見夢也不利日者言將徵吾去汝矣傷哉不及見汝成也越數月寢疾時計部君試三山亟書促歸具述先世陰功及身所完活若干人後必有興曰孺子識之慎勉旃即吾地下逢祖父問遺賢吾爲言孺子也遂伏枕三日終享年七十有四龔孺人先公卒享年若干公沒後十年計部君始貴又十年始買山于新安里之原坐丑向未以萬曆辛卯年十二月二十二日奉公孺人合窆焉而乞誌銘于余余觀余公破千金產至窮阨無

葉進卿蒼霞草

卷十

廿七

聊以夙志足悲矣乃言必稱天恬然無悔彼有所自信非大言爲謾也世人謂天道遠姑取一二未定者以藉口故跼蹐可爲如公直鼓鐘于宮而索寄于隣耳樹德滋徵效必公殆達天人之際哉夫以公之困也親隣之勸徙業也惑者鮮不奪而龔孺人助之二人同心耳好修者亦安在信沾沾之口乎蓋葉生志公事而嘆曰嗟茲乎余公之徵天人也此獨知之契也銘曰

屯于躬排于口以公徵天果何有泰居三陽離九

葉進卿蒼霞草

卷十一

廿八

以後徵天信乎否